

ইন্টারভিউ প্রস্তুতি



ইন্টারভিউ প্রিপারেশন

প্রথম প্রকাশ: জুন, ২০২৬
প্রকাশক: তানজিন নাহিদা রফিক
ডিজাইন : মারিয়া রিয়া

শেহজীন পাবলিকেশনস্
২০২/ডি, হাজী সলিমউদ্দিন লেন
মধ্য বাজ্ড়া, ঢাকা-১২১২

সূচিপত্র

» ১ : প্রস্তুতি না নেওয়া সবচেয়ে বড় ভুল	০৬
» ২ : সময়মতো না আসা ও পোশাকের অবহেলা	১০
» ৩ : 'Tell me about yourself'— বলতে আটকে যাওয়া	১৪
» ৪ : বেতন নিয়ে আলোচনায় ভুল কৌশল	১৭
» ৫ : নেগেটিভ কথা বলা আগের বসের সমালোচনা করা	২০
» ৬ : বডি ল্যান্ডুয়েজ ও আত্মবিশ্বাসের অভাব	২৩
» ৭ : প্রশ্ন না করা ইন্টারভিউয়ের অভাব দেখানো	২৬
» ৮ : রেজিউমে ও সত্যের মধ্যে ফাঁক	২৯
» ৯ : Follow-up না করা	৩২
» ১০ : ইংরেজিতে দুর্বলতা লুকানো বা অতিরিক্ত ভয়	৩৫

একটু কল্পনা করুন আপনি মাসের পর মাস চাকরির আবেদন করেছেন, শত শত রেজিউমে পাঠিয়েছেন, অবশেষে একটা ইন্টারভিউকল পেয়ে নার্ভাস হচ্ছেন? আপনি হয়তো আপনার বেস্ট দেওয়ার ট্রাই করেছেন কিন্তু ইন্টারভিউ শেষে বাড়ি ফিরে জানতে পারলেন সিলেক্ট হননি তখন খারাপ লাগাটা বেশ স্বাভাবিক বটে। এই অনুভূতিটা কতোটা কষ্টের, তা একজন ইন্টারভিউয়ার ক্যান্ডিডেট থেকে কে বুঝবে।

বাংলাদেশে প্রতিবছর লক্ষ লক্ষ ক্যান্ডিডেট ইন্টারভিউতে অংশ নেন। কিন্তু দুঃখের বিষয় হলো, অনেকেই না জেনে একই ভুলগুলো বারবার করেন। সমস্যাটা মেধার নয়, সমস্যাটা কৌশলের।

এই বইটির উদ্দেশ্য একটাই যাতে আপনারা সেই ভুলগুলো চিনতে পারেন, বুঝতে পারেন এবং সঠিক পথে আনতে পারেন। এখানে কোনো থিওরি নেই, আছে রিয়েল লাইফ উদাহরণ, এবং কিছু সহজ সমাধান।

প্রতিটি অধ্যায় পড়ুন মনোযোগ দিয়ে। নিজেকে সেই চরিত্রের জায়গায় বসান। এবং ভাবুন আমি কি এই ভুলটা করি? আপনার স্বপ্নের চাকরি পাওয়ার সক্ষমতা আপনার মধ্যেই আছে। শুধু দরকার সঠিক দিকনির্দেশনা।

ভূমিকা:

ইন্টারভিউ কেন এতো গুরুত্বপূর্ণ?

শুরু করার আগে এই কথাটুকু জানুন। ধরুন, আপনার নাম রাফি। বয়স ২৫। সবে ঢাকা বিশ্ববিদ্যালয় থেকে অনার্স শেষ করেছেন। রেজাল্ট মোটামুটি ভালো। এখন চাকরির বাজারে নামলেন। প্রথম তিনটা ইন্টারভিউ দিলেন। সবকটায় ফেল। পরিবারের চাপ বাড়ছে। বন্ধুরা একে একে চাকরি পাচ্ছে। নিজেকে অযোগ্য মনে হচ্ছে। কিন্তু আসল সমস্যা কী? রাফির মেধার সমস্যা নেই। সমস্যা হলো সে ইন্টারভিউর 'গেমটা' বোঝে না। ইন্টারভিউ শুধু আপনার যোগ্যতা প্রমাণ করার জায়গা নয়। এটা একটা সোশ্যাল পারফরমেন্স যেখানে আপনাকে একইসাথে কমিউনিকেট করতে হবে, নিজেকে বিক্রি করতে হবে এবং ইন্টারভিউয়ারের সাথে কানেক্ট করতে হবে?

 জানেন কি? গবেষণা বলছে, ইন্টারভিউয়ার প্রথম ৯০ সেকেন্ডেই একটা প্রাথমিক ধারণা তৈরি করে ফেলেন। বাকি সময়টা সেই ধারণা কনফার্ম করতেই ব্যয় হয়। বাংলাদেশের প্রেক্ষাপটে ইন্টারভিউ আরও চ্যালেঞ্জিং কারণ:

 প্রতিযোগিতা অনেক বেশি একটা চাকরির বিপরীতে শত শত অ্যাপ্লিকেন্ট থাকে

 ইন্টারভিউ কালচার সম্পর্কে সঠিক ধারণা কম

 পারিবারিক ও সামাজিক চাপ মানসিক অবস্থাকে প্রভাবিত করে

 ইংরেজিতে যোগাযোগের দুর্বলতা ও আত্মবিশ্বাস তৈরির সুযোগ কম থাকে।

কিন্তু সুখবর হলো এই সমস্যাগুলো সমাধানযোগ্য। এই বইটি পড়ার পর আপনি জানবেন ঠিক কোথায় ভুল হচ্ছে এবং কীভাবে সেটা ঠিক করতে হবে। "ইন্টারভিউ একটি স্কিল এবং যেকোনো স্কিলের মতোই এটা প্র্যাকটিসের মাধ্যমে সমাধান করা যায়।"

ভুল-১:

প্রস্তুতি না নেওয়া

সবচেয়ে সাধারণ কিন্তু সবচেয়ে মারাত্মক ভুল-

সুমাইয়া একটা বেসরকারি ব্যাংকের ইন্টারভিউতে গিয়েছিল। ইন্টারভিউয়ার প্রথম প্রশ্নটাই করলেন:

ইন্টারভিউয়ার: আমাদের ব্যাংক সম্পর্কে আপনি কী জানেন?

সুমাইয়া: আমি... মানে... ব্যাংকিং সেক্টরে কাজ করতে চাই। আপনাদের ব্যাংক অনেক ভালো....

ব্যস। ওই একটা উত্তরেই ইন্টারভিউয়ার বুঝে গেলেন সুমাইয়া কোনো প্রস্তুতি নেয়নি। এটা কি শুধু সুমাইয়ার সমস্যা? মোটেও না। বাংলাদেশে ৭০% এর বেশি চাকরিপ্রার্থী কোম্পানি রিসার্চ না করেই ইন্টারভিউতে যান।

কেন প্রস্তুতি না নেওয়াটা এত বড় ভুল?

ইন্টারভিউয়ার যখন দেখেন আপনি কোম্পানি সম্পর্কে কিছুই জানেন না, তখন তিনি ধরে নেন : এই প্রার্থীর চাকরিটার প্রতি আন্তরিকতা নেই, এই মানুষ কাজে ফাঁকি দেবেন। এই পজিশন তার কাছে 'যেকোনো একটা চাকরি' মাত্র এবং সত্যি কথা বলতে, এই ধারণাটা একেবারে ভুলও না।

কী কী প্রস্তুতি নিতে হবে?

✓ কোম্পানি রিসার্চ

ইন্টারভিউর আগে অবশ্যই জানতে হবে:

- 👉 কোম্পানিটি কী করে? তাদের প্রধান প্রোডাক্ট বা সেবা কী?
- 👉 কতদিন ধরে ব্যবসা করছে? প্রতিষ্ঠাতা কে?
- 👉 সাম্প্রতিক কোনো নিউজ বা অর্জন আছে কি?
- 👉 তাদের কম্পিটিটর কারা? কোম্পানির ভিশন ও মিশন কী?

✓ টিপস: কোম্পানির ওয়েবসাইট, LinkedIn পেজ এবং Google News-এ কোম্পানির নাম সার্চ করুন। মাত্র ৩০ মিনিটেই আপনি যথেষ্ট তথ্য পাবেন।

✓ পজিশন সম্পর্কে গবেষণা

শুধু জব ডেসক্রিপশন পড়লে হবে না। ভাবুন:

- 👉 এই রোলে কী ধরনের সমস্যা সমাধান করতে হবে?
- 👉 আমার কোন স্কিলগুলো এখানে কাজে আসবে?
- 👉 এই পজিশনে সফল হতে কী কী গুণ দরকার?

✓ নিজেকে প্রস্তুত করা

আগেই ঠিক করে রাখুন:

- 👉 'Tell me about yourself' এর উত্তর
- 👉 আপনার তিনটি বড় শক্তি ও দুর্বলতা
- 👉 কেন এই কোম্পানিতে কাজ করতে চান
- 👉 আগের অভিজ্ঞতার দুটি সাফল্যের গল্প
- 🔥 ইন্টারভিউর রাতে ঘুমের আগে মাথায় তিনটি কথা
ভাবুন কোম্পানির নাম, তারা কী করে এবং আপনি
কীভাবে তাদের কাজে আসবেন।

প্রস্তুতিহীন vs প্রস্তুত প্রার্থী-

একই প্রশ্নের দুটি উত্তর দেখুন:

✗ ভুল:

প্রশ্ন: আমাদের কোম্পানিকে কেন বেছে নিলেন?

উত্তর: 'আপনাদের কোম্পানি অনেক বড়, তাই আবেদন করেছিলাম।'

✓ টিপস:

প্রশ্ন: আমাদের কোম্পানিকে কেন বেছে নিলেন?

উত্তর: 'আপনাদের কোম্পানি গত বছর ৪০% গ্রোথ করেছে এবং সম্প্রতি ই-কমার্স সেক্টরে প্রবেশ করেছে। আমি নিজেও ই-কমার্সে অভিজ্ঞতা রাখি, তাই আমি মনে করি আমি এখানে সত্যিকারের মূল্য যোগ করতে পারবো।

পার্থক্যটা, বুঝতে পারছেন?

"প্রস্তুতি হলো আত্মবিশ্বাসের জন্মস্থান।

যে প্রস্তুত, সে ভয় পায় না।"

2

ভুল-২:

সময়মতো না আসা ও
প্রপার ড্রেসকোড ফলো না করা

প্রথম ইম্প্রেশন তৈরি হয় দরজায় ঢোকান আগেই। সকাল ১০টার ইন্টারভিউ, রিয়াজ আসলো ১০:২৩ এ। রিয়াজ ঢাকার ট্র্যাফিকের কথা মাথায় রাখেনি। বাসায় বেরিয়েছিল ৯:৪০ এ। কিন্তু মিরপুর থেকে মতিঝিলে ট্র্যাফিকে আটকে গেল। ২৩ মিনিট লেট। রিসেপশনে ঢুকতেই HR ম্যানেজার বললেন, 'আপনি দেরি করে এসেছেন।' রিয়াজ ব্যাখ্যা দিল 'ম্যাডাম, ট্র্যাফিক ছিল। ঢাকায় তো জানেনই...'

ইন্টারভিউয়ার মনে মনে ভাবলেন এই মানুষ যদি প্রথম দিনেই দেরি করে আসে, অফিসেও এই অভ্যাস থাকবে।



বাস্তবতা:

ঢাকার ট্র্যাফিকের কথা তো সবাই জানে।
কিন্তু সফল প্রার্থী সেটা হিসেবে রেখে আগে
বের হোন। লেট আসাটা অযুহাত নয়, এটা
পরিকল্পনার ব্যর্থতা।

সময় সম্পর্কে গোল্ডেন রুল

- 👉 ইন্টারভিউর ১৫ মিনিট আগে পৌঁছানো আদর্শ
- 👉 ৫ মিনিট আগে অফিসে প্রবেশ করুন
- 👉 অনেক আগে পৌঁছালে কাছের কোনো ক্যাফেতে বসুন, নিজেকে গুছিয়ে নিন
- 👉 দেরি হবে বুঝলে অবশ্যই আগেই ফোন করে জানান

✅ টিপস: গুগল ম্যাপে লোকেশন আগের দিনই চেক করুন। যদি সম্ভব হয়, আগের দিন একবার গিয়ে দেখে আসুন।

কী ড্রেস পরবো?

এই প্রশ্নটা হালকাভাবে নেবেন না। নাদিয়া একটা ডিজিটাল মার্কেটিং এজেন্সিতে ইন্টারভিউ দিতে গেল ক্যাজুয়াল টিশার্ট আর জিন্স পরে। সে ভেবেছিল 'ক্রিয়েটিভ ফার্মে আবার ড্রেস কোড কী?'

কিন্তু ইন্টারভিউয়ার একটু অবাক হলেন। তার মনে হলো, নাদিয়া ইন্টারভিউটাকে সিরিয়াসলি নেয়নি। বাংলাদেশের প্রেক্ষাপটে পোশাকের গাইডলাইন।

✅ পুরুষদের জন্য:

- 👉 ফর্মাল অফিস: ফুলহাতা শার্ট, ট্রাউজার, লেদার জুতা
- 👉 ক্রিয়েটিভ/স্টার্টআপ: পরিচ্ছন্ন চিনো বা শার্ট-প্যান্ট
- 👉 কর্পোরেট: সম্ভব হলে ব্লেজার যোগ করুন
- 👉 সব ক্ষেত্রে: ইস্তি করা, পরিষ্কার, গন্ধমুক্ত পোশাক

✅ মহিলাদের জন্য:

- 👉 শালীন ও পেশাদার সালায়ার কামিজ বা শাড়ি
- 👉 সলিড বা সুক্ষ্ম প্রিন্ট বড় প্রিন্ট এড়িয়ে চলুন
- 👉 অতিরিক্ত গহনা ও মেকআপ এড়িয়ে চলুন।
- 👉 স্বাচ্ছন্দ্যময় কিন্তু পেশাদার ফুটওয়্যার

❌ ভুল:

সোশ্যাল মিডিয়া ইনফ্লুয়েন্সার লুক বা অতিরিক্ত ট্রেন্ডি পোশাক ইন্টারভিউতে এড়িয়ে চলুন।

আরও কিছু গুরুত্বপূর্ণ বিষয়

- 👉 নখ পরিষ্কার রাখুন
- 👉 চুল আঁচড়ানো ও পরিপাটি রাখুন
- 👉 হালকা পারফিউম ব্যবহার করুন, তীব্র নয়
- 👉 ফোন সাইলেন্ট মোডে রাখুন ভাইব্রেশনও না
- 👉 প্রয়োজনীয় কাগজপত্র সুন্দর ফোল্ডারে নিয়ে যান

"আপনি যেভাবে সাজেন, তা বলে দেয় আপনি নিজেকে কতোটা সম্মান করেন। এবং যে নিজেকে সম্মান করে, কোম্পানিও তাকে সম্মান করে।"

3

ভুল-৩:

Tell Me About Yourself' —
বলতে আটকে যাওয়া

সবচেয়ে কমন প্রশ্নের সবচেয়ে কমন ভুল উত্তর। এই দৃশ্যটা কি চেনা লাগছে?

ইন্টারভিউয়ার হাসিমুখে বললেন: 'নিজের সম্পর্কে একটু বলুন।' তানভীর মনে মনে 'ওহ নো' বলে উঠল। তারপর শুরু করলো:

তানভীর: 'আমার নাম তানভীর হোসেন। আমি কুমিল্লায় জন্মগ্রহণ করেছি। আমাদের বাবা সরকারি চাকরি করেন। আমার দুই ভাই আছে। আমি ২০১৯ সালে এইচএসসি পাস করেছি, তারপর চট্টগ্রাম বিশ্ববিদ্যালয়ে ভর্তি হই...' (৫ মিনিট চললো)। ইন্টারভিউয়ার মনে মনে চিন্তা করছিলেন, 'এই মানুষ কি কখনো প্রফেশনাল পরিবেশে কাজ করেছে?'

কেন 'Tell me about yourself' — এতো গুরুত্বপূর্ণ?

এই প্রশ্নটা সাধারণত প্রথমেই আসে। এটা ইন্টারভিউর গেটকিপার প্রশ্ন। এই একটা উত্তরে ইন্টারভিউয়ার বুঝে যান:

- 👉 আপনার কমিউনিকেশন স্কিল কতটুকু
- 👉 আপনি কতটা সংগঠিত চিন্তা করতে পারেন
- 👉 আপনি কি প্রাসঙ্গিক কথা বলতে পারেন
- 👉 আপনার আত্মবিশ্বাস কতটুকু

এই প্রশ্নের সঠিক উত্তর কী?

মনে রাখুন এই প্রশ্নে আপনার জীবনের ইতিহাস চাওয়া হয়নি। চাওয়া হয়েছে আপনার প্রফেশনাল পরিচয়।

সবচেয়ে কার্যকর ফর্মুলা হলো:

Present → Past → Future

- ✓ Present: এখন আমি কোথায় আছি / কী করছি
- ✓ Past: আগে কী করেছি যা আমাকে এখানে নিয়ে এসেছে
- ✓ Future: কেন এই পজিশনটা আমার জন্য পারফেক্ট

একটি আদর্শ উত্তরের উদাহরণ-

✓ টিপস:

'আমি গত দুই বছর ধরে একটি মিড-সাইজ ই-কমার্স কোম্পানিতে ডিজিটাল মার্কেটিং এক্সিকিউটিভ হিসেবে কাজ করছি, যেখানে আমি সোশ্যাল মিডিয়া ক্যাম্পেইন ম্যানেজ করতাম এবং আমাদের অর্গানিক ট্র্যাফিক ৬৫% বাড়াতে সক্ষম হয়েছিলাম। এর আগে আমি বিশ্ববিদ্যালয়ে মার্কেটিং নিয়ে পড়াশোনা করেছি এবং বেশ কয়েকটি ইন্টার্নশিপ করেছি। এখন আমি এমন একটি বড় প্ল্যাটফর্মে কাজ করতে চাই যেখানে আমার দক্ষতা আরও প্রসারিত করতে পারবো এবং আপনাদের কোম্পানির ডিজিটাল গ্রোথ স্ট্র্যাটেজি সেই সুযোগই দেয়।'

সাধারণ ভুলগুলো

- ✗ ভুল: পরিবারের ইনফো দেওয়া 'আমার বাবা শিক্ষক, মা গৃহিণী' এটা অপ্রাসঙ্গিক
- ✗ ভুল: রেজিউমে ছবছ পড়ে শোনানো এটা সময়ের অপচয়
- ✗ ভুল: ১০ মিনিটের বক্তৃতা ২ মিনিটের মধ্যে গুছিয়ে বলুন
- ✗ ভুল: অতিরিক্ত বিনয় 'আমি তেমন কিছু জানি না' বলবেন না

✓ টিপস:

এই উত্তরটা বাড়িতে প্র্যাকটিস করুন। আয়নার সামনে দাঁড়িয়ে বলুন, অথবা রেকর্ড করুন এবং নিজে শুনুন। "নিজেকে চেনো, তারপর অন্যকে জানাও। 'Tell me about yourself' — আসলে তোমার নিজের সাথে পরিচয়ের পরীক্ষা।"



ভুল-৪:

বেতন নিয়ে

আলোচনায় ভুল কৌশল

সবচেয়ে কার্যকর ফর্মুলা হলো:

টাকার কথা বলতে গিয়ে ক্যারিয়ার নষ্ট করবেন না।

দুটো পরিস্থিতি, দুটো ভুল

পরিস্থিতি ১:

শুভ্র একটা ভালো কোম্পানিতে ইন্টারভিউ দিচ্ছে। বেতন প্রত্যাশা জানতে চাওয়া হলো।

শুভ্র: 'যা দেন তাই হবে স্যার। আমার কোনো চাহিদা নেই।'

ইন্টারভিউয়ার ভাবলেন এই মানুষের নিজের মূল্য সম্পর্কে ধারণাই নেই।

পরিস্থিতি ২:

সাদিয়া একই রকম ইন্টারভিউতে বললেন:

সাদিয়া: 'স্যার আমি কমপক্ষে ৮০,০০০ টাকা চাই। এর কম হলে জায়েন করবো না।'

ইন্টারভিউয়ার একটু অস্বস্তিতে পড়লেন। পজিশনটার বাজেট ছিল ৫০-৬০ হাজার। দুটো চরম দুটোই ক্ষতিকর। বেতন নিয়ে কথা বলার সঠিক সময় প্রথম ইন্টারভিউতে বেতনের প্রসঙ্গ তুলবেন না যতক্ষণ না ওরা তোলে। আপনার প্রাথমিক লক্ষ্য হওয়া উচিত চাকরিটা নিশ্চিত করা, তারপর নেগোশিয়েশন।

বেতন কীভাবে রিসার্চ করবেন?

- 👉 একই পজিশনে অন্য কোম্পানি কত দেয় জানুন
- 👉 LinkedIn Salary Insights দেখুন
- 👉 বন্ধু বা সিনিয়রদের কাছ থেকে ধারণা নিন
- 👉 আপনার অভিজ্ঞতা ও দক্ষতার বাজারমূল্য বুঝুন

বেতন প্রত্যাশা জানতে চাইলে কী বলবেন?

✓ টিপস: 'আমি এই পজিশনের জন্য বাজারমূল্য অনুযায়ী ৪৫,০০০ থেকে ৫৫,০০০ টাকার মধ্যে প্রত্যাশা করছি। তবে এটা নির্ভর করে মোট কম্পেনসেশন প্যাকেজের উপর যেমন বোনাস, মেডিকেল সুবিধা ইত্যাদি।' এভাবে বলুন।

অফার নেগোশিয়েশনের কৌশল
যখন অফার পাবেন এবং কম মনে হবে:

ভালো উত্তর: 'খ্যাংক ইউ অফারের জন্য। আমি সত্যিই এই পজিশনে আগ্রহী। আমার রিসার্চ অনুযায়ী এই রোলের জন্য বাজারমূল্য একটু বেশি। ৫৫,০০০ টাকায় কি কনসিডার করা সম্ভব?'

✗ ভুল: কখনো বলবেন না: 'এতো কম? অন্য কোম্পানি আমাকে বেশি দিচ্ছে।' এটা ব্লাফ মনে হয় এবং নেগোটিভ ইম্প্রেশন তৈরি করে।

বেতন ছাড়া অন্য কী কী বিষয় নিয়ে ভাববেন?

- বার্ষিক ইনক্রিমেন্ট পলিসি
- পারফরমেন্স বোনাস
- মেডিকেল ও ইন্স্যুরেন্স সুবিধা
- ট্রেনিং ও ক্যারিয়ার ডেভেলপমেন্ট সুযোগ
- কাজের পরিবেশ ও টিম

"বেতন নেগোশিয়েশন আপনার অধিকার এটা দাবি নয়, এটা সম্মানজনক আলোচনা।"



ভুল-৫:

নেগেটিভ কথা

বলা আগের বসের সমালোচনা

এই একটা ভুল আপনার সব পরিশ্রম নষ্ট করতে পারে। ইন্টারভিউ রুমে সেই বিপজ্জনক মুহূর্ত। রুবেল আগের কোম্পানি ছেড়েছে দুই মাস আগে। নতুন চাকরির ইন্টারভিউতে প্রশ্ন আসলো:

ইন্টারভিউয়ার: 'আগের কোম্পানি ছেড়ে কেন এলেন?'

রুবেল: 'স্যার, সেই কোম্পানির ম্যানেজার অনেক খারাপ ছিল। সব ক্রেডিট নিজে নিত। পলিটিক্স ছিল। আমার সাথে অনেক অন্যায় করেছে। সেখানে কাজ করা আর সম্ভব হচ্ছিল না।' ইন্টারভিউয়ার চুপ করে রইলেন কয়েক সেকেন্ড। তারপর বললেন, 'আচ্ছা, ঠিক আছে। রুবেল ব্যর্থ হলো। কিন্তু সে বুঝলো না কেন।'

ইন্টারভিউয়ার কি ভাবলেন?

ইন্টারভিউয়ারের মাথায় তখন একটাই চিন্তা আসছিল এই মানুষ যদি এই কোম্পানিও ছেড়ে যায়, তাহলে আমাদেরকেও এইভাবে সমালোচনা করবে, এই মানুষ টিমওয়ার্কে কি সমস্যা তৈরি করবে না? সব দোষ কি সবসময় অন্যের? নিজের কোনো দায় নেই?



মনে রাখুন:

আপনি যখন অন্যের সমালোচনা করেন,
ইন্টারভিউয়ার আপনাকে মূল্যায়ন
করেন, প্রাক্তন বসকে নয়।

তাহলে সত্যিটা কীভাবে বলবেন?

সত্যি কথা বলতে হবে, কিন্তু নেগেটিভ ভাষায় নয়।

✓ টিপস: 'আমি আগের কোম্পানিতে অনেক কিছু শিখেছি। কিন্তু আমি এমন একটি পরিবেশ খুঁজছি যেখানে আরও বেশি গ্রোথের সুযোগ আছে এবং যেখানে আমার দক্ষতা পূর্ণমাত্রায় ব্যবহার করতে পারবো।'

✓ টিপস: 'আগের রোলটি আমার ক্যারিয়ার গোলের সাথে আর পুরোপুরি সামঞ্জস্যপূর্ণ ছিল না। আমি নতুন চ্যালেঞ্জ নিতে রেডি।'

আর কোন কোন নেগেটিভ কথা এড়িয়ে চলতে হবে?

- ✗ ভুল: কোম্পানির প্রোডাক্ট বা সেবার সমালোচনা করা
- ✗ ভুল: সহকর্মীদের নামে বদনাম করা
- ✗ ভুল: ইন্ডাস্ট্রি বা মার্কেট নিয়ে হতাশা প্রকাশ করা
- ✗ ভুল: নিজের ব্যর্থতার জন্য সম্পূর্ণ অন্যকে দোষ দেওয়া
- ✗ ভুল: পারিবারিক সমস্যা বা ব্যক্তিগত ক্রাইসিস শেয়ার করা

পজিটিভ ফ্রেমিংয়ের শক্তি একই বাস্তবতাকে দুইভাবে বলা যায়:
বাস্তবতা: 'আমাদের টিমে কমিউনিকেশন সমস্যা ছিল।'

✗ ভুল: নেগেটিভ: 'আমার টিম ভালো কাজ করত না। সবসময় ঝামেলা ছিল।'

✓ টিপস: পজিটিভ: 'আমি সেই অভিজ্ঞতা থেকে শিখেছি কীভাবে কঠিন পরিস্থিতিতে কমিউনিকেশন মেইনটেইন করতে হয়।' "পরিপক্ক মানুষ ব্যর্থতা থেকে শেখেন, অপরিপক্ক মানুষ ব্যর্থতার জন্য অন্যকে দোষ দেন।"

6

ডুল-৬:

বডি ল্যান্ডুয়েজ
ও আত্মবিশ্বাসের অভাব

আপনার কথা নয়, আপনার শরীর বেশি কথা বলে অদৃশ্য ভাষা যা সব বলে দেয় জানেন কি, কমিউনিকেশনের মাত্র ৭% হয় শব্দের মাধ্যমে? বাকি ৯৩% হয় ভয়েস টোন (৩৮%) এবং বডি ল্যাঙ্গুয়েজের (৫৫%) মাধ্যমে।

ইন্টারভিউতে আপনি যদি বলেন 'আমি অনেক আত্মবিশ্বাসী' কিন্তু মাথা নিচু করে, কাঁধ ঝুলিয়ে বসে থাকেন ইন্টারভিউয়ার বিশ্বাস করবেন না।

বাংলাদেশিদের সবচেয়ে কমন বডি ল্যাঙ্গুয়েজ ভুল

- 👉 হ্যান্ডশেক অনেক দুর্বল যেন ভয়ে হাত দিচ্ছেন
- 👉 চোখের কনটাক্ট না রাখা মাথা নামিয়ে বা পাশে তাকানো
- 👉 কাঁধ গোল করে বসা আত্মবিশ্বাসের সংকেত
- 👉 হাত দিয়ে মুখ ঢাকা বা নাক ঘষা মিথ্যা বলার লক্ষণ হিসেবে দেখা হয়
- 👉 পা নাড়তে থাকা নার্ভাসনেস প্রকাশ পায়
- 👉 হাসি না থাকা অনাগ্রহী দেখায়
- 👉 অতিরিক্ত হাত নাড়া অস্থিরতার প্রকাশ

সঠিক বডি ল্যাঙ্গুয়েজ কেমন হওয়া উচিত?

প্রবেশের সময়ঃ

- 👉 সোজা হয়ে হাঁটুন, মাথা উঁচু রাখুন
- 👉 হালকা হাসি মুখে রাখুন
- 👉 হাত মেলানোর সময় দৃঢ় কিন্তু অতিরিক্ত শক্তিশালী নয়

বসার সময়ঃ

- 👉 পিঠ সোজা রাখুন, কিন্তু চেয়ারে হেলান দিন না
- 👉 পা মাটিতে রাখুন বা আরামদায়কভাবে ক্রস করুন
- 👉 হাত টেবিলের উপর বা কোলে রাখুন

কথা বলার সময়ঃ

- 👉 ইন্টারভিউয়ারের সাথে চোখের যোগাযোগ রাখুন ৭০% সময়
- 👉 মাথা হালকা নাড়ুন, দেখাবে আপনি মনোযোগ দিচ্ছেন
- 👉 স্বাভাবিকভাবে হাসুন জোর করা হাসি নয়

প্র্যাকটিস টিপ:

বাড়িতে আয়নার সামনে বসুন এবং নিজের বডি ল্যান্ডমার্ক দেখুন। অথবা কাউকে দিয়ে মক ইন্টারভিউ রেকর্ড করান।

আত্মবিশ্বাস তৈরির গোপন কৌশল

📌 Power Pose কৌশল

ইন্টারভিউর ঠিক আগে, টয়লেটে বা কোনো নির্জন জায়গায় দুই মিনিট 'Power Pose' করুন দুই হাত কোমরে রেখে সোজা দাঁড়ান। গবেষণা বলছে এটা আত্মবিশ্বাস বাড়ায়।

📌 শ্বাসপ্রশ্বাসের ব্যায়াম

৪ সেকেন্ড শ্বাস নিন, ৭ সেকেন্ড ধরে রাখুন, ৮ সেকেন্ডে ছাড়ুন। ইন্টারভিউর আগে এটা করলে মস্তিষ্ক শান্ত থাকে।

📌 পজিটিভ সেলফ-টক

চোকার আগে মনে মনে বলুন 'আমি প্রস্তুত। আমি এই পজিশনের যোগ্য। আমি ভালো করব।'

✅ টিপস:

নার্ভাস হওয়া স্বাভাবিক। কিন্তু সেই নার্ভাসনেসকে এক্সট্রাইটমেন্ট হিসেবে ভাবুন। 'আমি ভয় পাচ্ছি' না বলে বলুন 'আমি এক্সট্রাইটেড।' এটা সত্যিই কাজ করে। "আত্মবিশ্বাস মানে ভয় না পাওয়া নয়, আত্মবিশ্বাস মানে ভয়ের সাথেও এগিয়ে যাওয়া।"



ভুল-৭:

প্রশ্ন না করা

ইন্টারেস্টের অভাব দেখানো

ইন্টারভিউ দুই দিকের কথোপকথন শুধু আপনি জবাব দেন না। সেই বিষয়তকর মুহূর্ত ইন্টারভিউর শেষে ইন্টারভিউয়ার বললেন, 'আপনার কি কোনো প্রশ্ন আছে?'

আশিক: 'না স্যার, আমার কোনো প্রশ্ন নেই। আপনি সব বলে দিয়েছেন।'

নিরব পড়ে গেল রুমে। ইন্টারভিউয়ার মৃদু হাসলেন। কিন্তু সেই হাসির পেছনে ছিল একটা নেগেটিভ নোট।

কেন প্রশ্ন করা জরুরি?

যখন আপনি প্রশ্ন করেন না, ইন্টারভিউয়ার ভাবেন:

- 👉 এই মানুষ চাকরিটার প্রতি উদাসীন
- 👉 কোম্পানি বা পজিশন নিয়ে কোনো ভাবনা নেই
- 👉 এটা কি সত্যিই সে চাওয়া চাকরি?

অন্যদিকে, ভালো প্রশ্ন করলে ইন্টারভিউয়ার বোঝেন আপনি রিসার্চ করে এসেছেন, আপনি সত্যিই ইন্টারেস্টেড।

কী ধরনের প্রশ্ন করবেন?

কোম্পানি ও টিম নিয়েঃ

- 👉 'এই পজিশনে আমার সরাসরি টিম কেমন? কয়জন থাকবে?'
- 👉 'আপনারা কি আগামী বছরে নতুন কোনো প্রজেক্ট নিচ্ছেন?'
- 👉 'এখানে সফল হওয়া মানুষদের মধ্যে কোন গুণটা সবচেয়ে বেশি দেখা যায়?'

রোল ও গ্রোথ নিয়েঃ

- 👉 'প্রথম তিন মাসে আমার কাছে মূল কী কী প্রত্যাশা থাকবে?'

👉 'এই পজিশন থেকে ক্যারিয়ার গ্রোথের সুযোগ কেমন?'

👉 'আপনার কি ট্রেনিং বা স্কিল ডেভেলপমেন্টের সুযোগ দেন?'

কর্পোরেট কালচার নিয়ে:

👉 'আপনার কাছে এই কোম্পানিতে কাজ করার সবচেয়ে ভালো দিক কোনটা?'

👉 'টিমের কমিউনিকেশন স্টাইল কেমন ফর্মাল নাকি ক্যাজুয়াল?'

❌ ভুল:

কোনোভাবেই প্রথম ইন্টারভিউতে বেতন, ছুটি, বা সুবিধা নিয়ে প্রশ্ন করবেন না এটা লোভী মনে হয়।

কতটা প্রশ্ন করবেন?

২-৩টা প্রশ্ন যথেষ্ট। সব প্রশ্ন একসাথে চলে দেবেন না। প্রতিটা উত্তরে মনোযোগ দিন এবং প্রয়োজনে ফলো-আপ করুন।

✅ টিপস:

ইন্টারভিউর সময় যদি ইন্টারভিউয়ার এমন কিছু বলেন যা আপনার মনে প্রশ্ন জাগায়, সেটাই ব্যবহার করুন। এটা দেখায় আপনি মনোযোগ দিয়ে শুনছেন।

"সঠিক প্রশ্ন করা সঠিক উত্তর দেওয়ার চেয়ে কম গুরুত্বপূর্ণ নয়।"

৪

ভুল-৮:

রেজিউমে ও সত্যের মধ্যে ফাঁক
মিথ্যা বলা ক্যারিয়ারের সবচেয়ে
বড় আত্মহত্যা

মিরাজ তার রেজিউমেতে লিখেছিল 'Python এ এক্সপার্ট।' সে আসলে Python এর নাম জানে, কিন্তু কোনো কাজ করেনি কখনো।

ইন্টারভিউতে টেকনিক্যাল রাউন্ডে প্রশ্ন আসলো 'একটা সিম্পল লুপ লিখুন।' মিরাজ পুরো জমে গেল। সেদিনই শেষ হয়ে গেল তার ইন্টারভিউ এবং ঐ কোম্পানিতে আর কখনো সুযোগ পাবে না।

রেজিউমেতে বাংলাদেশিরা যে মিথ্যাগুলো সবচেয়ে বেশি বলেন

- 👉 দক্ষতা ফুলিয়ে বলা 'Microsoft Office-এ দক্ষ' যখন আসলে শুধু Word জানেন
- 👉 GPA বা রেজাল্ট বাড়িয়ে দেখানো
- 👉 মিথ্যা কোম্পানির নাম বা পজিশন
- 👉 কোর্স বা সার্টিফিকেট যা করেননি সেটা লেখা
- 👉 কাজের মেয়াদ বাড়িয়ে দেখানো
- 👉 রেফারেন্স হিসেবে এমন কারো নাম যে জানেও না

⚠️ সতর্কতা:

বড় কোম্পানিগুলো Background Verification করে। মিথ্যা ধরা পড়লে শুধু চাকরি যাবে না, ক্যারিয়ারও ক্ষতিগ্রস্ত হবে।

তাহলে দুর্বলতা কীভাবে হ্যান্ডেল করবেন?

দক্ষতায় ফাঁক থাকলে:

✅ টিপস:

'আমি Python-এর বেসিক জানি এবং সক্রিয়ভাবে শিখছি। গত দুই মাসে একটি প্রোজেক্ট করেছি।' সৎ এবং উৎসাহী এই কথো জিতবে।

অভিজ্ঞতা না থাকলে:



টিপস:

'আমার ফর্মাল অভিজ্ঞতা কম, কিন্তু আমি বিশ্ববিদ্যালয়ে এই প্রজেক্টগুলো করেছি এবং ইন্টার্নশিপে এটা শিখেছি। প্রকৃত কাজ দেখানো সবসময় ভালো।

রেজিউমে কীভাবে শক্তিশালী করবেন সংভাবে?



Achievement-based ভাষা ব্যবহার করুন 'X করেছি' নয়, 'X করে Y ফলাফল পেয়েছি'।



কোর্স করেছেন? সেটা লিখুন 'Coursera-এ Digital Marketing সার্টিফিকেট'



ভলান্টিয়ার কাজ? সেটাও রিলেভেন্ট হলে লিখুন



পার্সোনাল প্রজেক্ট থাকলে সেটা হাইলাইট করুন



রেফারেন্স দেওয়ার আগে অবশ্যই সেই ব্যক্তির পারমিশন নিন

"সততা তাৎক্ষণিকভাবে ছোট মনে হতে পারে, কিন্তু দীর্ঘমেয়াদে এটাই সবচেয়ে বড় শক্তি।"

9

ভুল-৯:

Follow-up না করা

ইন্টারভিউ শেষেও খেলা শেষ নয়

ইন্টারভিউর পর কী হয়?

বেশিরভাগ বাংলাদেশি প্রার্থী ইন্টারভিউ দিয়ে বাড়ি ফিরে ফোনের জন্য অপেক্ষা করতে থাকেন। দিন যায়, সপ্তাহ যায়। কোনো সাড়া নেই। এই অপেক্ষায় তারা ভুলে যান যে, একটা ছোট ইমেইল তাদের অবস্থান সম্পূর্ণ বদলে দিতে পারে।

ইন্টারভিউর পরের ২৪ ঘণ্টা সবচেয়ে গুরুত্বপূর্ণ?

ইন্টারভিউর পরের দিন একটি Thank You Email পাঠান। এটা: আপনার আগ্রহ পুনরায় প্রকাশ করে এবং ইন্টারভিউয়ারের স্মৃতিতে আপনাকে রাখে। পাশাপাশি প্রফেশনালিজম প্রকাশ করে এবং যে পয়েন্ট মিস হয়েছে সেটা যোগ করার সুযোগ দেয়।

একটি আদর্শ Thank You Email কেমন হবে?

✓ টিপস:

বিষয়: [পজিশনের নাম] ইন্টারভিউর জন্য ধন্যবাদ প্রিয় [ইন্টারভিউয়ারের নাম], গতকালের ইন্টারভিউতে সময় দেওয়ার জন্য আন্তরিক ধন্যবাদ। আপনার সাথে কথা বলে [কোম্পানির নাম] এবং এই পজিশন সম্পর্কে আরও ভালোভাবে বুঝতে পারলাম। আলোচনায় আপনি [নির্দিষ্ট বিষয়] উল্লেখ করেছিলেন এটা আমার কাছে বিশেষভাবে চিত্তাকর্ষক মনে হয়েছে। আমি বিশ্বাস করি আমার [নির্দিষ্ট দক্ষতা] এই ক্ষেত্রে সত্যিকারের মূল্য যোগ করতে পারব। আশা করি শীঘ্রই আপনার সাথে আবার কথা হবে।

শুভকামনায়,
[আপনার নাম]

কতদিন পর ফলো-আপ করবেন?

সাধারণ টাইমলাইন:

- 👉 ইন্টারভিউর পরের দিন: Thank You Email
- 👉 ৫-৭ দিন পর: যদি কোনো খবর না পান, একটি ফলো-আপ ইমেইল
- 👉 ১০ দিন পর: চাইলে একটি ভদ্র ফোন কল

❌ ভুল: একাধিকবার ফোন করবেন না। এটা বিরক্তিকর মনে হয় এবং নেগেটিভ ইম্প্রেশন তৈরি করে।

রিজেক্ট হলে কী করবেন?

যদি রিজেক্ট হন, তাহলেও একটি পেশাদার ইমেইল করুন:

✅ টিপস:

'আপনাদের সিদ্ধান্ত জানানোর জন্য ধন্যবাদ। যদি সম্ভব হয়, আমি কি জানতে পারি কোথায় আমাকে আরও উন্নতি করতে হবে? ভবিষ্যতে আবার সুযোগ হলে আমি অবশ্যই যোগাযোগ করবো।'

এটা করলে কোম্পানিতে আপনার একটা ইতিবাচক স্মৃতি থাকে। ভবিষ্যতে নতুন পজিশন খুললে আপনাকে মনে রাখতে পারে। "ইন্টারভিউ শেষ হওয়ার পরেও সুযোগ তৈরির সুযোগ থাকে শুধু সেটা ব্যবহার করতে জানতে হয়।"

10

ডুল-১০:

ইংরেজিতে দুর্বলতা
লুকানো বা অতিরিক্ত ভয়

ভাষা বাধা নয়, ভয়টাই বাধা

চরিত্র ১: ইমন ইন্টারভিউতে ভাঙা ইংরেজি বলল, ঘাম ঝরাচ্ছে, ভুল হলে থামছে। ইন্টারভিউয়ার বাংলায় কথা বললেও সে জোর করে ইংরেজিতে উত্তর দিল।

চরিত্র ২: রুমানা সাহেলা জানালেন যে তার ইংরেজি একটু দুর্বল। কিন্তু সে বাংলায় সুন্দরভাবে নিজেকে প্রকাশ করল, এবং বললো সে সক্রিয়ভাবে ইংরেজি উন্নত করছে।

কোম্পানি কাকে হায়ার করলো? রুমানাকে।

বাস্তবতা কী?

সব চাকরিতে ইংরেজি সমানভাবে দরকার নেই। কিন্তু যেসব চাকরিতে দরকার, সেখানে সং থাকা জরুরি।

যদি পজিশন ইংরেজি-নির্ভর না হয়:

নিজের ভাষায় ভালো করুন যদি পজিশন ইংরেজি-নির্ভর: দুর্বলতা স্বীকার করুন এবং প্ল্যান শেয়ার করুন

ইংরেজিতে ভয় কমাতে কী করবেন?

সকালে ১৫ মিনিট ইংরেজি পডকাস্ট শুনুন- BBC বা টেড টক দেখুন সাবটাইটেলস। প্রতিদিন ৫টি নতুন শব্দ শিখুন ও ব্যবহার করুন। ইংরেজিতে ডায়েরি লিখুন ভুল হলেও সমস্যা নেই।

ইন্টারভিউর প্রস্তুতি

- 👉 কমন প্রশ্নের উত্তর ইংরেজিতে লিখুন এবং মুখস্থ করুন
- 👉 বন্ধুর সাথে ইংরেজিতে কথা বলার প্র্যাকটিস করুন
- 👉 ভুল হলে স্বাভাবিকভাবে শুধরে এগিয়ে যান

'Sorry, let me rephrase that.' এই একটা বাক্য আপনাকে অনেক বিপদ থেকে বাঁচাবে। ভুল হলে থামুন, ঠিক করুন, এগিয়ে যান।

যদি সত্যিই ইংরেজি না জানেন?

অনেক কোম্পানি, বিশেষত দেশীয় বাজারের জন্য, বাংলায় কাজ করে। সেই চাকরিতে ইংরেজি দুর্বলতা বড় বাধা নয়। কিন্তু যদি মাল্টিন্যাশনাল বা ইংরেজি-নির্ভর পজিশনে যেতে চান, তাহলে দীর্ঘমেয়াদে ইংরেজি উন্নত করার কোনো বিকল্প নেই।

✓ টিপস:

Grammarly, Duolingo, এবং Cambly এই তিনটি অ্যাপ আপনার ইংরেজি উন্নত করতে পারে মাত্র কয়েক মাসে।

মিক্সড ল্যাঙ্গুয়েজ কি চলবে?

অনেক বাংলাদেশি কোম্পানিতে Banglish (বাংলা-ইংরেজি মিশ্রণ) গ্রহণযোগ্য। কিন্তু ইন্টারভিউতে যতটা সম্ভব পরিষ্কার ভাষায় কথা বলুন।

"ভাষা যোগাযোগের মাধ্যম, বাধা নয়। আত্মবিশ্বাসের সাথে ভুল বলা, নিরবে পরিপূর্ণ থাকার চেয়ে অনেক ভালো।"



আমাদের অন্যান্য ই-বুক গুলো দেখতে QR কোডটি স্ক্যান করুন



ইন্টারভিউ প্রিপারেশন

ডিজাইন: মারিয়া রিয়া

প্রকাশনী: শেহজীন পাবলিকেশনস